

《維摩詰所說經》第三十五講

胡健財/110.5.2

一、課程導讀

- 1、飲食不只是吃喝，即凡而聖，這是佛國淨土，一鉢眾飽，則是「一多」不二。
- 2、香積者，眾香功德，積聚而成。香積為國，香為法界，香為方便，香為功德，鼻根偏利，故以香塵的飯香作佛事。
- 3、香積國土，一切皆香，皆香而悟，所悟者，非以欲望之滿足為得；凡夫處處以欲望滿足為得，究竟所得是「塵」得？還是「根」得？
- 4、塵得者，財富是色塵，美名是聲塵，菜香是香塵，美食是味塵，擁抱是觸塵，美夢成真是法塵。凡夫往往被「塵」所困而沒有覺悟！
- 5、藉塵悟根，根利者，即塵而入，亦是「不二」法門。
- 6、本品是繼「入不二法門」之後，舍利弗心念：「日時欲至，此諸菩薩，當於何食？」維摩詰責備而言：「佛說八解脫，仁者受行，豈雜欲食而聞法乎？」但是，還是令其得食，由此引出「眾香」之國，佛號「香積」之淨土世界。
- 7、入不二法門，一切平等，沒有差別，理盡於此，極備妙談；但是，凡夫一念欲動，不能無食，此即娑婆世界需有事理「不二」的智慧。
- 8、香積國九百萬菩薩與化菩薩以鉢盛飯，來到毘耶離城，飯香滿三千大千世界，這是如來甘露味飯，大悲所薰，無以有限之意食之。
- 9、甘露是清涼，大悲是清淨的愛。生命如何獲得「清涼」？又是如何清淨的付出？凡夫以「有限之意」面對食物，該有哪些反省？
- 10、此當中，有些特別的聲聞弟子懷疑飯少，以為不能人人當食，化菩薩說：「四海有竭，此飯無盡，使一切人食，搏若須彌；乃至一劫，猶不能盡。所以者何？無盡戒、定、智慧、解脫、解脫知見，功德具足者，所食之餘，終不可盡。」
- 11、食此飯者，身安快樂，諸毛孔皆出妙香，亦如眾香國土諸樹之香。
- 12、飲食不只是吃喝，心情不好，不想吃東西；生病時，沒有胃口吃。它有更高尚更細微的追求。因此，生命的態度決定了它的品質，但是，需要學習，這是文化，也是智慧。

二、〈香積佛品〉第十之(一)：香積飯食

於是，舍利弗心念：「日時欲至，此諸菩薩，當於何食？」

時維摩詰知其意而語言：「佛說八解脫，仁者受行，豈雜欲食而聞法乎？若欲食者，且待須臾，當令汝得未曾有食。」

時維摩詰即入三昧，以神通力，示諸大眾：「上方界分過四十二恒河沙佛土，有國名眾香，佛號香積，今現在，其國香氣，比於十方諸佛世界人天之香，最為第一。彼土無有聲聞、辟支佛名，唯有清淨大菩薩眾，佛為說法；其界一切，皆以香作樓閣，經行香地，苑園皆香，其食香氣，周流十方無量世界。時彼佛與諸菩薩，方共坐食，有諸天子，皆號香嚴，悉發阿耨多羅三藐三菩提心，供養彼佛及諸菩薩。」此諸大眾，莫不目

見。

時維摩詰問眾菩薩：「諸仁者！誰能致彼佛飯？」以文殊師利威神力故，咸皆默然。

維摩詰言：「仁此大眾，無乃可恥！」

文殊師利曰：「如佛所言，勿輕未學。」

於是，維摩詰不起於座，居眾會前，化作菩薩，相好光明，威德殊勝，蔽於眾會，而告之曰：「汝往上方界分，度如四十二恒河沙佛土，有國名眾香，佛號香積，與諸菩薩方共坐食。汝往到彼，如我辭曰：『維摩詰稽首世尊足下！致敬無量，問訊起居，少病少惱，氣力安不？願得世尊所食之餘，當於娑婆世界施作佛事，令此樂小法者，得弘大道，亦使如來名聲普聞。』」

時化菩薩即於會前，升於上方，舉眾皆見其去，到眾香界，禮彼佛足，又聞其言：「維摩詰稽首世尊足下！致敬無量，問訊起居，少病少惱，氣力安不？願得世尊所食之餘，欲於娑婆世界施作佛事，使此樂小法者，得弘大道，亦使如來名聲普聞。」彼諸大士見化菩薩，歎未曾有：「今此上人，從何所來？娑婆世界，為在何許？云何名為樂小法者？」即以問佛。

佛告之曰：「下方度如四十二恒河沙佛土，有世界名娑婆，佛號釋迦牟尼，今現在。於五濁惡世，為樂小法眾生，敷演道教；彼有菩薩，名維摩詰，住不可思議解脫，為諸菩薩說法，故遣化來，稱揚我名，並讚此土，令彼菩薩增益功德。」

彼菩薩言：「其人何如？乃作是化，德力無畏，神足若斯！」

佛言：「甚大！一切十方，皆遣化往，施作佛事，饒益眾生。」

於是，香積如來以眾香鉢，盛滿香飯，與化菩薩。時彼九百萬菩薩俱發聲言：「我欲詣娑婆世界供養釋迦牟尼佛，並欲見維摩詰等諸菩薩眾。」

佛言：「可往！攝汝身香，無令彼諸眾生起惑著心；又當捨汝本形，勿使彼國求菩薩者，而自鄙恥；又汝於彼莫懷輕賤，而作礙想。所以者何？十方國土，皆如虛空；又諸佛為欲化諸樂小法者，不盡現其清淨土耳！」

時化菩薩既受鉢飯，與彼九百萬菩薩俱，承佛威神，及維摩詰力，於彼世界，忽然不現，須臾之間，至維摩詰舍。

時維摩詰即化作九百萬師子之座，嚴好如前，諸菩薩皆坐其上；時化菩薩以滿鉢香飯與維摩詰，飯香普薰毘耶離城及三千大千世界。時毘耶離婆羅門、居士等，聞是香氣，身意快然，歎未曾有！

於是，長者主月蓋，從八萬四千人，來入維摩詰舍，見其室中菩薩甚多，諸師子座，高廣嚴好，皆大歡喜，禮眾菩薩及大弟子，卻住一面。諸地神、虛空神，及欲、色界諸天，聞此香氣，亦皆來入維摩詰舍。

時維摩詰語舍利弗等諸大聲聞：「仁者可食！如來甘露味飯，大悲所熏，無以限意食之，使不消也。」有異聲聞念是飯少，而此大眾人人當食！

化菩薩曰：「勿以聲聞小德、小智，稱量如來無量福慧！四海有竭，此飯無盡，使一切人食，搏若須彌；乃至一劫，猶不能盡。所以者何？無盡戒、定、智慧、解脫、解脫知見，功德具足者，所食之餘，終不可盡；於是鉢飯悉飽眾會，猶故不餓。」

其諸菩薩、聲聞、天人，食此飯者，身安快樂，譬如一切樂莊嚴國諸菩薩也，又諸毛孔皆出妙香，亦如眾香國土諸樹之香。